

INUIT ATAQATIGIIT INATSIARTUNI



UKA2022/72

Ulloq saqqummiivik: 20.10.2022

Illit atit: Mikivsuk Thomassen

**Isumaginninnermut pisortaqarfik angerlarsimaffinni
meerartaqarfiusuniit eqqissiviillortoqarsimatillugu
ilisimatinneqarnerini aaqqiaginngittoqartillugu
akunnermiliuttuusarneq pillugu neqeroorummik pilersitsisoqarnissaa
anguniarlugu Naalakkersuisut peqquneqarnissaat pillugu Inatsisartut
aalajangiiffigisassaattut siunnersuut.**

(Inatsisartunut Ilaasortaq Anna Wangenheim, Demokraatit)

Ilaqutariit meerartaqarfiusuni aaqqiaginngittoqartillugu soorunami
meerarisanut ilaqtanullu toqqissisimanginnermik pilersitsisarpoq tamannalu
ilaqutariinnut annertuumik sunniuteqartarpoq pitsaanngitsumillu
sunniuteqarsinnaalluni.

Sorpassuit eqqartorneqarsinnaapput ilaqtariinnut aaqqiaginngissutaasut
assigiinngitsorpassuusarmata soorunami ilaat ilaqtariinnut oqitsuinnaaneq
ajorput aaqqiiffiginiakkat aporaaffinnik pilersitsisarmata, ilaqarpulli
aaqqiaginngissutit pillugit pitsaasumik aaqqiissuteqartut.

Saqqummiussarli malillugu paasisaqarusuppunga ersarissarneqarnissaalu
kissaatigalugu, uani saqqummiussami itinerusumik
saqqummersinneqanngimmat sunarpiaq pineqarnerisq.

Qaqugukkut kikkullu aaqqiagiinnittoqartsillugu akuleruttassappat?

Aaqqiaginngittoqartsillugu kikkut siullertut suliassaq tigussaanaeraat
erseqqissarneqarnissaa takorloorneqarpa?

INUIT ATAQATIGIIT INATSIARTUNI



Kiisalu aaqqiaginngittoqartillugu akunnermiliuttoqarnissaanut Alliaq Allorfik allallu ikiuussinnaasut pisariaqartsinneqarnersut tassani paaseqqissaarusuppara kikkut pineqarnersut?

Tassami eqqaamassavarput nunarput isorartuujuvoq inoqarfiillu tamarmik ukunani taaneqartumik peqanngimmata attaveqarniarunillu attaveqaatit atorlugit aatsaat attaveqartoqarsinnaammat, tassanngaannartumik aaqqiagiinngissutit ingerlanneqalerpata ingerlaannartumik attavigineqarsinnaanngillat.

Soorunami allaassaaq illoqarfiit pigineqartunik saaffigineqarsinnaanera naqissuserusuppara nunarput tamaat sullissineq ingerlattussaagatsigu, ilaannakortumilli aaqqiissuteqartarnek misilittagaqarfigereerparput.

Paaserusussavara suut aaqqiagiinngissutit pineqarnersut?

Tassami susassaqarfiit pisussaaffeqareerput toqqaannartumik akueruttussaallutik pisortaqarfiit akulerussimatillugit.

Soorunami erseqqissassavara angerlarsimaffinni persuttaanerit allatigullu nakuusernerit eqqissiviilliornerillu ingammik meerartaqartillugit akuersaanngilluinnaratsigut akuerinngisaannarlugillu.

Kiisalu kommunit pisussaaffeqareerput ilaqutariit iluanni meerartaqarpata meerartaqanngikkaluarpataluunniit saaffiginnittoqarsimappat ikiuunnissaminnut pisussaaffeqarnertik malillugu sulisartunik taakkualu sulilluarnarat qutsatissaavoq, eqqissiviilliorortoqarpat aaqqiaginngitsoqarpallu politiinit siullertut suliassaavoq tassanngaanniillu aaliangerneqartarpoq, ilaqutareeqarnermut immikkoortoqarfinnut apuussissanerlutik, soorunami meerartaqaraangata ingerlaannaq apuussisarnerat apuussisartussaanerallu pingaaruteqarpoq, taamatullu suleriaaseqarnerat ilisimaaraarput.

INUIT ATAQATIGIIT INATSIARTUNI



Ilaqutariit akunnermiliuttoqarsinnaanerat meeqqat eqqarsaatigalugit soorunami pitsaaquteqarlunilu ajoquteqarsinnaavoq apeqqutaallutik aaqqiaginningissutigineqartut qanoq isumaqartuunerannik.

Ilaqutariit nammineerlutik ulluinnartik immersortussaammassuk, tamanna ataqqisassaraarput, soorunami ilaqutariinni pitsaanngittumik ingerlasoqalersimatillugu pisortat akulerussinnaatitaapput, tassani pitsaasumik ingerlalnissaata tungaanut suleqataasussaassallutik.

Kommunilli periarfissaqareerput eqqissiviilliortoqarneranni akuleruttussaallutik sukkanerpaamillu iliuuseqartoqassappat Politiit aamma suleqataasussaallutik, kiisalu suliamik aallartsitissagaanni pisortaqtigiiit suleqatigiittussaanagerat pissusissamisoorluinnarpoq.

Soorunami pingaartipparput Inuit Ataqatigiinniit piaartumik suliat aallartinneqartarnissaat, unami siunnersuutigineqartoq tamaat isigissagaanni isumaa paaseqqissaarusuppara qanorpiaq isumaqarneranik?

Nalunaarusiani taaneqartuni soorunami annertunerat isigaarput tamannalu akuersaarsinnaanatigut, kommunilli pisussaaffeqareernerat ataqqisassatta ilagaat taakuummatami inunnut toqqaannartumik sullissisuummata periarfissaqareerlutillu ilaqutariinnut pitsaanerusumik sullissinissaminnut periarfissanik ikiuutaasinnaallutik.

Suliassalli pitsaasumik naammassineqassappata pitsaasumik sinaakkusersuinissaq pitsanngorteqartoq ilisimavarput, una saqqummiunneqarnerani imarisaalu ajorinngilara pingaaruteqarmat ilaqutariit pitsaasumik sullinneqarnerani eqaannerusariaqarmat qulaanili taaneqartut erseqqissumik paasisaqarfigerusoqaakka.

INUIT ATAQATIGIIT INATSIARTUNI



Taamatut oqaaseqarluta Inuit Ataqatigiinniit Ilaqutariinnermut Peqqissutsimullu
ataatsimiititaliamut ingerlateqqipparput ataatsimiititaliamilu
qulaajagassartaqarpat peqqissaartumik suliarineqarnissaa innersuullugu.